



Tir Yimym

www.tiryimym.in

Regd. No. RNI. NAGAAO/ 2004 / 13113. Postal-NE/RN-717.

e-mail : tiryimym@gmail.com

TAPAK 8

Yangia anidakangma :

f Tir Yimym

ig tir_yimym

yt tir yimym

TAPAK 7

Steve Smith-i alizing tasen ka tongtetogo

Israel sepaitem Gaza school telungi ai, nisung 15 tepset

VOL. XXII ISSUE NO. 67 (ADOK 67)

DIMAPUR

TENTONÜ (MONDAY)

LUCHII (DECEMBER) 16, 2024

₹ 5.00

Aluyimertemi Dec 18 nü 'rail roko' lungkak aittsü

New Delhi, December 15, 2024 (Agencies): Lungkak aitba aluyimertem asemben tashi New Delhi-i aotsü noktanga sülen parnoki mera tasen kar inyaksü metetdaksüogo.

Aluyimer lennir Sarwan Singh Pandher-i Punjab nunger dang December 18 nü "rail roko" nung shilem agitsü ayongzük.

"Punjab nung alirtem dang December 18 nü 'Rail Roko' lungkak aitba nung shilem agitsü ni mepishir. Onoki Punjab nung railway tracks anasa aliba yimtsüng 13,000 dang anüngdang 12:00 ako nungi nikongdang 3:00 ako tashi nenok anasa aliba railway crossings aser railway stations mokdangtsü

mepishir" ta Pandher-i ashi.

December 6, December 8 aser December 14 anogotem aluyimer 101-i tetsüng agi Delhi-i aotsü merang saka Haryana nung police-i parnok noktanga liasü.

Aluyimertem Delhi-i meyoktsü atema noktandang police-i tenük amdaktsüba tangola amshia liasü aser idangji aluyimer 17 tashi yiru.

Pandher-isa Rakesh Tikait'er Samyukta Kisan Morcha (SKM) dang Punjab-Haryana arrtsülen lungkak aitba aluyimertem den yariteptsü ayongzükogo. SKM ketdangtsüba nung aluyimertemi Centre sorkar indang farm laws asem anema lungkak aita liasü.

Kuki BJP MLA 7-i New Delhi nung lungkak ait

New Delhi, December 15, 2024 (Agencies): Manipur nungi Bharatiya Janata Party (BJP) MLA temi Jantar Mantar, New Delhi nung mener lungkak aitogo.

December 10, Human Rights Day nung Manipur nungi BJP MLA temi Centre aser state nung BJP sorkartemi state nung tensa mazüoktetba atema tejashi sayua lungkak ait.

New Delhi nung lungkak aitba BJP MLA 7 ya Kuki nunger- L.M. Khaute, Lepao Haokip, Letzaming Haokip, Vungzagin Valte, Paolienlal Haokip, Chinlunthang, aser Ngursanglur Sanate lir.

Iba sentong nung arishi küm 61 tain Valte ya wheelchair ka nung mener shilem agi. Manipur nung kin o kin tsüngda mezüng mepetmesü adokdang pa dak teka sangshiba agi kanga mejungi yirua liasü. Iba lendong matalokdang Valte ya advisor to chief minister Biren Singh ama inyaka liasü.

"Onoki akhangba onüktem ajaki meteta lir saka Centre sorkaribo memetet ama lir. Tesüba ita 19 tashi Centre-i onok senzüka yutsüogo" ta BJP MLA temi ashi. Parnoki 'Remove Modi ji,' 'Achche Din = Tribals and Minorities will be lent only deaf ears?' aser 'Please stop state-sponsored ethnic pogrom in Manipur' tezülubatem yur lungkak aita liasü.

Kuki nunger BJP MLA temi aiben prime minister Narendra Modi den ajuruteptsü merangogo saka parnok nem iba maongka magütsü aser parnoki züluba shiditem asoshi telangzüba kecha mali.

July 2024 nung Manipur Chief Minister N. Biren Singh nem dang khen Prime Minister Modi den ajurutepta senden amentsü mela saka idangji pa nem minute 15 dang agütsü.

Iba sentong agiba sülen Kuki MLA 10-i sign asüba

memorandum ka prime minister nem agütsüogo.

Iba memorandum nung Centre sorkari healthcare, education, roads, aser water supply amala terenlok mapatongtem district ketdangsurtem dangi indangindanga yoktsü shia lir. District tem nungi MLA temi junger ta ashiba sülen iba mapa inyaksüla ta parnoki ashir.

Parnokisa tekaratiba nung kin o kin tsüngda ken o yimtenren olemtep ka ajanga angatetteptsü shiogo.

BJP MLA temisa Centre den Manipur nung tensa kanga mejungi aliba osang lemsatepba nung, state sorkari hill areas nung lifesaving drugs & essential supplies magütsüba shia lir.

Meitei nunger iba ya noktanger aser Manipur sorkari hill areas atema senotsü tim mesüi amshir ta Kuki nunger MLA temisa ashi.

Meitei nunger teimba ser state sorkartemi melentepa yimsü süa arudang Hill Districts bendanga amshia arur. Ajisüaka tesüba ita 19 tsüngda iba khuret tuluba kümogo ta parnokisa metetdaksü.

Manipur sorkari PM-Devine NE mapatong kübok Central Financial Assistance nung hill districts medendaksü.

Iba ya Rs 10,466.11 lakhs endoka Providing Super Speciality and Assured Speciality Health Care in Remote and Hill Districts (Infrastructure and Equipment)" lir ta Kuki MLA temisa ashi.

Central Roads and Infrastructure Fund kübok Manipur nung gari lenmang 57 yanglutsüba asoshi Rs. 201.50 crores lemsütsüogo saka iba nung valley district tem dak alaka hill district tem nungi lenmang ka danga maden ta parnokisa metetdaksü.

Hopta 3 lir CM Fadnavis-i aniba Maharashtra Cabinet ulushiogo



December 15, 2024 nü Maharashtra Governor C. P. Radhakrishnan-i cabinet züngsemtem nem tezüngzüktep agidaktsüdang agiba noksa ka angur.

Mumbai, December 15, 2024 (Agencies): Maharashtra assembly election results adokba sülen hopta asem tema süia arur Deobarnü Chief Minister Devendra Fadnavis-i par cabinet ulushiogo.

Fadnavis'er constituency Nagpur nung sentong tulu ka ayongzuka minister 29-i tezüngzüktep agiogo.

Maharashtra nung minister 43 tashi ayutsü melar. Tanü tezüngzüktep agirtem rongnung BJP nungi minister 19, Shiv Sena nungi 11 aser NCP nungi 9 dena lir. Fadnavis aser pa den deputy chief minister ana züngsema cabinet züngsem 42 kümogo.

Fadnavis-i Shinde aser Pawar na den külemi Raj Bhavan, Nagpur nung sentong nung aden.

Maharashtra BJP state president Chandrashekhar Bawankule den Ashish Shelar, Ganesh Naik, Mangal Prabhat Lodha, Pankaja Munde, Girish Mahajan, Radhakrishna Vikhe Patil, Chandrakant Patil, aser Nitesh Rane nunger tanü tezüngzüktep agi.

Külen, Deputy Chief Minister Eknath Shinde-i aniba Shiv Sena nungi Shambhuraj Desai, Dadaji

Dagadu Bhuse, Sanjay Rathod, Uday Samant, Gulabrao Patil, aser Sanjay Shirsat nungeri tezüngzüktep agi.

NCP lennirtem Aditi Tatkare, Dhananjay Munde, aser Hasan Mushrif nunger Cabinet nung züngsemogo.

December 5, nü Fadnavis-i Chief Minister aser Eknath Shinde o Ajit Pawar nati pa deputy chief minister inyaksü tezüngzüktep agia liasü.

Mumbai nung ayongzuka agiba sentong nung Prime Minister Narendra Modi, BJP tongti lennirtem aser teyariteper teloktem nungi lennirtem aden.

Maharashtra sorkar nung portfolios raktepba atema cabinet ulushiba mapa meinyakteti aru.

Taoba Chief Minister Eknath Shinde-i Deputy Chief Minister inyaksü mulunga agizük saka par party-i-home ministry dena portfolio tajung kar angutsü teimla liasü.

Fadnavis-i mezüng atema Chief Minister inyaksü tenzükba nungi pai home portfolio ketdangtsü aru. Taoba nung Shinde-i Chief Minister inyadanga Fadnavis-i home portfolio bona liasü.

Taküm Maharashtra

assembly election nung BJP-i aniba Mahayuti teloktepi menden 235 nguteta takok tulu angu. Iba nung BJP-i menden 132 ngua 'single largest party' lir aser Shiv Sena-i menden 57 aser NCP-i menden 41 nung takok angu.

Shiv Sena MLA kati party

mapa toktsü:

Külen, Eknath Shinde-i aniba Shiv Sena nungi MLA ka nem cabinet menden magütsüba atema party mapa ka nungi anenogo.

Shiv Sena lennir aser Vidarbha nungi party coordinator Narendra Bhonekar-i party menden nungi sodi agiogo saka assembly nungibo manen lir.

Taküm assembly election nung Vidarbha nungi BJP-i aniba Mahayuti ajanga menden 62 nungi 47 nung takok angu.

Bhandara-Pavani Assembly Constituency nungi kümsük asemben tashi MLA Bhonekar nem minister menden ka agütsütsü nangzük saka pa cabinet nung meshimok.

Iba jagi pai Eknath Shinde, Uday Samant aser Eknath Shinde'er jabaso Shrikant Shinde nunger dangi text messages yok saka telangzüba kecha manguba sülen party menden toktsüogo.

Zünketertemi ajemalua pei sobaliba aser Tsüngrem tamatok: Dr. P. Kilemsüngla

Mokokchung, 14th Dec (TYO): Ongpangkong Mungdang-i ayonga 'Ongpangkong Zünket Naklu' ta sür Ongpangkong tzükongsanger Union Public Service Commission (UPSC) nung takok nguteter nem tetushi agütsüba sentong ka 14th Dec, 2024 nü Aongza Ki, Mokokchung town nung kaogo.

Iba sentong nung tajunshir Dr. P. Kilemsüngla-i jembidang, zünket naklu agizüker ajak nem tenüngsang agütsü. UPSC ya India lima nungbo tematiba jenjang lir, yimsütsüba tsütsü ibai tongtoret lir, alima aser kin ka tejakleni aotsüba zünket ket nung tashi lir, ta metetdaksü.

Nenok dak koba tokolok shisatsü aser sempet tajung lir, itemji amshia nübur tenzüksü aser ochi nung inyaksübaaji mezüngbuba teinyaksü südaktsünür. Pei ajung atema masü saka kotasür nübur tebilemba aser sarkar taginüba tongdaktsütsü ta asüba dak rangloker inyaksü lai ajungshi.

'Tanü rongsen ang Tsüngrem kümdaktsür ochi laoa lir, aser iba jagi nübur kangshir. Tanü asen lima nung dang masü India lima ajunga nung ochi agi anünga lir', ta lai ashi.

Tanü yimden yimsütsübaaji reprangdangra "teraksa nung terayanga lir aser iba nung amendaker yimsü asütsü

meranger", ta lai ashi. Sarkari nüburtem asoshi senotsü teyari kanga yoker saka iba jagi nübur ket matonger, item temenen anema raratsübaaji kanga tongtibang, ta laisa shisem.

Zünketertemi anir alima yanglutsüla aser ochimashi mapa anema raratsüla. Aji oda, parnoki ochimashi anema noktakaka nüburtemi parnokji menungitra iba tongpangji makoktsü. Yamaji zünketertemi tashi meitra nübur tashi mait akümtsü, anungji, ochimashi temenen tongpangji külemi raratsüla, ta laisa ajungshia liasü. Tanü alimai ochishir zünket nungdaka lir, ta lai shisem.

(Maneni tapak 2 nung...)

Drug de-addiction centre atema DoNER-isen ` 200 crore agütsür: Tripura CM



Dr. Manik Saha

Agartala, Luchii/December 15 (Agencies): State nung state-of-the-art drug de-addiction centre ka amenoktsü atema Ministry of Development of North Eastern Region (DoNER) ajanga sen ` 200 crore sanction süogo, ta Tripura Chief Minister Dr. Manik Saha-i Deobarnü ashi.

Udaipur, Gomati district nung project balala atema nüngshilong azüngba sentong nung jembidang iba centre ya Bishramganja, Sepahijala district nung amenoktsü, ta Dr. Saha-i ashi.

"Iba drug de-addiction centre nungya facility tajung den

advanced treatment technologies aser modern mechanisms alitsü. Iba mangdang tulu aliba project atema senotsü ya DoNER Ministry ajanga agütsüsü, aser iba ya ajanga Tripura nung temesepba mozü anema raraba aser iba den sendaktepa aliba tayongzükbaten lenmang lapoktsü," ta pai ashi.

State sorkari healthcare services tajungba kumdaktsütsü meranga inyakba indanga pai lemsatepa liasü.

GB Pant Hospital nung aliba medical team ajanga kidney transplant surgery ana takok nguag agitetba atema tenüngsang

agütsüba mapang "Kidney transplant nung sen ` 35 lakh aser ` 40 lakh tsüngta aor. GB Pant Hospital nung shiranger temi senjak kata meindoker. Ibai Tripura indang healthcare sector nung takok tejangja tenzüker alitsü."

Mozüki indang super-speciality block nung super-speciality unit toku bendenlokogo. State sorkari doctor tem asoshi service rules yanglushiogo, specialist aser super-specialist doctor tem atema grade pay balaka tenzüker, ta Dr. Saha-i ashi.

"Grade pay system balaka maliba yong Tripura nungi specialist doctor aikat meyipa shilangtsü atsüayonga liasü. Iba temelenshi yagi par khuret bendoktsüogo," ta pai ashi.

Dr. Saha-isa GB Pant Hospital nung liver aser bone marrow transplantation services tenzüksü mangdang aliba lemsatepa liasü. "Liver transplantation ya inyakyim tepenja lir aser iba atema kanga junga renemshitsü nüngdaker. Iba wadang nung senior doctor tem den ni jembishinü tenzüker. Iba den ano state nung critical care facilities tali tajungba kumdaktsütsü mechi bone marrow transplantation benoktsü nükjidong lir," ta pai ashi.

Public Accounts indang Oral Evidence Meeting thinener Dimapur, Luchii/December 15 (TYO): MLA & Chairman, Committee on Public Accounts, Mhathung Yanthan-i Public Accounts Committee, Nagaland Legislative Assembly indang Oral Evidence Meeting thinenogo, koba December 17 & 18, 2024 anogotem agitsü liasü. Iba senden ya 2025 küm January ita tanabuba hopta nung alitsü aser sentong tejangja mapangtong nung lemsateptsü, ta sangdong ka ajanga ashi.

State Level PM SHRI Schools Debate Competition agi

Dimapur, Luchii/December 15 (TYO): PM SHRI (Prime Minister's Schools for Rising India) Scheme kübok Samagra Shiksha Nagaland ajanga 'Viksit Bharat and its Contours' onük nung ajemdaker Morung Hall, Directorate of School Education, Kohima nung December 13, 2024 nü State Level PM SHRI Schools Debate Competition ayongzüka liasü.

Iba tetoktepba nung Nagaland tesem balala nungi district ti nung aliba PM SHRI GHS aser GHSS nungi kaketshirtemi shilem agia liasü.

Iba tetoktepba sentong tenzükerba nung K. Yanon Konyak, Sr. Lecturer, SCERT Nagaland menden liasü aser shilem agirtem pela agizükba den kaketshirtem yaria tesayur temi meiner aruba atema pelaba lemsatep.

Dr. Kevizakie Rio, JMD Samagra Shiksha & State Nodal Officer, PM SHRI Nagaland ajanga iba sentong ayongzükerba nükjidong tongmelang agi rateta ashi.

Iba Scheme kübok linük tesem balala nung PM SHRI Schools tem amenoka NEP 2020 mapa kuma inyakba sayua tatishitsü tajung aketba school tem kumdaktsüba aser kaketshir nem century 21 buba nung nüngdakba skills sayutsü nükjidong aliba pai lemsatep.

Pai kaketshir aser tesayur tem dang maneni Nagaland nung PM SHRI School ajak tatishitsü tajung aketba school ka-ka akumtsü ayongzüker liasü.

O intepba nung Dr. Bijano Murry, Joint Mission Director of Samagra Shiksha ya onir liasü aser Moalong Imty, Joint Director, SCERT aser Visetonuo Angami, Assistant Director, DoSE tetendangertem liasü.

State PM SHRI Schools Debate tetoktepba nung Wokha district kübok PM SHRI GHS, Wokha Village nungi Chichanbeni Odyuo-i tematiba jenjang ngutet aser Peren district kübok PM SHRI GHSS, Jalukie Town nungi Pairamlungle-i tanabuba jenjang nguteta liasü.

Zünketertemi ajemalua pei...

(TAPAK 1 NUNGI...)

Aor nüngtugu nisung aika adokba ya asen tsüraburi tamang yimsü agizükba ajanga lir, anungji, temeshibai kin ka ajungketer ta asüba to asenoki mamatoktsüla, ta laisa ayongzüker.

"Zünket jenjang nung alirtemi ajemalua pei sobaliba aser Tsüngrem tamatok" ta laisa ajungshia liasü. "Kodang ochi nung lidir aser ochibaji nok o nüji südir kechisarena akoktsü. Asükümer Tsüngremi noktanger aser Pa metetba nungji tapu ajak itaka lir", ta laisa shisem. Laisa zünketertem atema sarasademtsütsü aser parnok mapa nung nungittsü mepishia metetdaksü.

Zünket Naklu agizükertemji; Alemtemshi Jamir IAS, 1977 (Longsa), C. Lima Imchen IPS, 1977 (Longkhüm), asür L. Spongwati Longkumer IRS, 1981 (Küpza), asür P. Tiatemsü Pongener IRS, 1999 (Ungma), Imkongla Jamir IAS, 2002 (Chungtia), Sallong IRS, 2002 (Aliba), Imlimeren Jamir IRS,

2004 (Ungma), Unil Kichu IPS, 2012 (Khensa), Moatenla IRS, 2012 (Mangmetong), Aotula T. Imchen IPS, 2014 (Mangmetong), Imsennaro Walling IFS, 2022 (Khensa) aser Imsürenla Longkumer IA & AS, 2023 (Ungma) par 12 liasü. Parnok rongnung Alemtemshi IAS Rtd, C. Lima Imchen IPS Rtd aser Aotula T. Imchen IPS par asem dang tsüngtong arua aden.

Züngket Naklu agizükertemji Alemtemshi IAS Retd-i jembidang, nisungi kodang tetushi agütsüdir, idangji tenzükerba mapa nung tali ajungshir. Iba sentong ya zünketer ajungshiba dang masü iba ajanga Ao kin rongnung zünketer jenti adokdakjang ta moaja metetdaksü. Iba tetushi sempet ya chirnur semchisemnur tashi amangyonga aotsü, ta paisa shisem.

C. Lima Imchen IPS Rtd-i jembidang, takok ngur külen mezüng anogo nungi khuret bona

nübur tenzüksüla. Nisung aikadi rongsen dang bushir, anungji, yamaji mesüi ochiba tenzüksü lanurtem ajungshia liasü.

Aotula T. Imchen IPS-i jembidang, iba sentong ajanga onok mapa nung tali tenendakba nung nübur tenzüksü ajungshir. Yangi tsürabur aser senior-tem ya onok asoshi tajungshir kaka lir, kenübo parnok amaji akümstü ta sür meranga azüng. Ano lanur zünketer jenti adoktsü ajungshidi, ta ayongzüker.

Iba sentong nung nung Ongpangkong Mungdang tir, Lipokmeren Jamiri tarur ajak pelaa agizük, Prof. Lanusashi Longkumeri züngket naklu sentong tenzükerba ratet lemsatep. Telok kadi tsürabur T. Senka Ao-i züluba aser Tamsuyanger Jamiri mejemba naklu ken "yimsowar" aten. Iba sentong Rev. Talijungla Longkumeri temoatsü meshia sarasademer tenzüker aser Rev. Pongen Longchar den tenüngsang agüja sarasademer tembanga liasü.



Northeast Frontier Railway (NFR) purtemi 'National Energy Conservation Day' nüngtem nung hopta ka tepiyong sentong December 8 nü tenzükerba December 14 nung tembanga agia liasü. Iba sentong ya energy wazüka ayutsü asoshi tongtipang aser energy kumdanga agitsü nüburtem nem awareness agütsütsü nükjidong nung ayongzüker liasü. Hopta tepiyong leaflet lema, art aser quiz competitions, poster aser banner displays, street plays (Nukkad Natak), aser slogan campaigns amala sentongtem N.F. Railway Headquarters complex, Maligaon nung ayongzüker liasü.

FOCUS-Nagaland & Pinnacle Skills ajanga district 4 nung seminar agütsü

Dimapur, Luchii/December 15 (TYO): FOCUS-Nagaland ajanga Pinnacle Skills den lungjemer Mon, Longleng, Kiphire aser Zunheboto district tem nung anogo ka-ka seminar December 5-11, 2024 anogotem ayongzüker liasü, kong aluyimer 200 dak temai shilem agi.

Iba seminar nung shisalen sayur Renathung Ezung Rtd. Pilot, BAN Committee member in import/ Export and Logistics ajanga Importance of Agri Marketing and market

linkages and Importance of Cold chain (Refrigerated Van) onük nung jembi aser Warehouse 103 Dimapur nungi Kevirheicha Savino-i Products and tools for Food Processing, Preservation trends and opportunities onük nung ajemdaker yimba balala sayu aser Tool Mart Dimapur nungi Rohit Singh-i aluyimba nung amshiba osettsüset aser machine balala junga aser mapang shidak nung anepaluba indang rasaa ashi.



Kelingmen aser Yimjenkimong yim ana akhidang oboula nunger mapang nungi mapang mapang shia Aksü ka-a aruba ama Yimpoktsüi 26-27, 2024 anogotem nung yim ana Aksü akaba noksa nung angur.



December 15, 2024 nü Chennai nung Tamil Nadu Chief Minister, M.K. Stalin-i Congress lenir, asür E.V.K.S. Elangovan nem akhüm agütsüdang tangokba noksa nung angur. Honibarnü nija hospital ka nung Elangovan süadok.

Centre aser Chhattisgarh-i state nung Maoists samatsütsü: Amit Shah

Raipur, December 15 (Agencies): Amongnü Union Home Minister, Amit Shah-i, Centre aser Chhattisgarh sorkari March 31, 2026 anogo tashi nungbo Maoists telungpurtem samatsütsü nükjiding yur inyaker, ta metetdaksü. Raipur nung aliba Police parade ground nung President's Police Colour Award agütsüba sentong nung jembidang Shah-i, Chhattisgarh nung Maoists tebilemtsü samatsütsü tetra linük tesem ajaklen iba tebilemtsü samatsütsü, ta ashi. Paisa, President's Colour ya

award ka dang masü saka iba ya tenzükba, nendaka inyakba aser tenla agüja inyakba temaitsü lir, ta ashi. "Asüngbo Chhattisgarh police uniform nung President's Insignia akettsü aser ibaji ajanga parnok tasü itshtisü. State nung lenirtem, chief minister, home minister aser India sorkari nenok tenanzükba ataloktsütsü atema inyaktsü. Asenok longjemer March 31, 2026 anogo matongdang Maoists samatsütsü," ta pai metetdaksü. "Tesüiba küm ka tsüngda

Chhattisgarh police-i Maoists telungpurtem anema rara tajung raraago. State nung Maoists 287 tepset, 1,000 apu aser 837-i pei sasa 'surrender' süogo," ta Union Minister-isa metetdaksü. Tesüiba küm 40 tsüngda tang mezüng Maoists dak sendakba rara nung civilian aser security sepaitem asüba 100 den tajemba kümogo; tesüiba küm 10 tsüngda Ato kilonser Narendra Modi lenisüba kübok Maoists telungpurtem nokdangtetogo, ta paisa metetdaksü.

Kejriwal-i New Delhi menden nungi tokteptsü

New Delhi, December 15 (Agencies): Amongnü Aam Aadmi Party (AAP)-i sangküm Delhi assembly elections atema tatembangbuba list nung party candidate 38 tenüng sangdongogo. AAP tongti lenir, Arvind Kejriwal-i New Delhi constituency nungi tokteptsü aser Delhi chief minister Atishi-i Kalkaji menden nungi tokteptsü. Environment minister Gopal Rai-i maneni Babarpur menden nungi tokteptsü, Health minister Saurabh Bhardwaj-i Greater Kailash constituency nungi aser taoba mapang Delhi health minister Satyendar Jain-i Shakur Basti menden nungi tokteptsü. 2013 küm nungi Kejriwal-i New Delhi menden nung takok ngua arudar. Sangküm February ita nung

Delhi assembly election agütsü. Bharatiya Janata Party (BJP)-i Kejriwal den tokteptsütsü atema taoba mapang Delhi chief minister Sahib Singh Verma'er jabaso, Parvesh Verma shimtsüa akok. Congress-ia Kejriwal den tokteptsütsü atema Delhi nung Chief Minister mapang talangtiba inyakla, Sheila Dikshit'er jabaso Sandeep Dikshit shimogo. Amongnü candidates tenüng sangdongba mapang nung Kejriwal-i, BJP nungi chief minister candidate mali, ta metetdaksü. "BJP mali. Parnok CM candidate mali, team mali, Delhi atema sentong mali aser mangdang mali. Parnok yimyim ka dang lir, asalentong ka dang lir aser mission ka dang lir, aser ibaji- 'Kejriwal agienang' lir," ta

Kejriwal-i X ajanga metetdaksü. AAP nungi Sanjeev Jha-i Burari menden nungi tokteptsü, Ajesh Yadav-i Badli nungi, Durgesh Pathak-i Rajinder Nagar nungi aser Amanatullah Khan-i Okhla menden nungi tokteptsü. 2015 küm Delhi assembly election nung AAP-i menden aika nung takok anguba sülen 2020 küm Delhi assembly election nunga AAP-i menden 70 nungi 62 tashi nung takok ngua liasü. Bodhbarnü Kejriwal-i, Delhi nung tetsür shia nem ita shia sen meyrjang kaka (1,000) agütsütsü atema cabinet-i agizükogo, ta metetdakja liasü. "Tetsür karibo, osettsüet jenjang kanga atur, anungji sen 1000 jagi meperitsü ta shiogo. Anungji ita shia sen 2,100 agütsütsü atema asüng nungi registration tenzüksü. Senotsü teyari tutsübaji yimti nung tetsürtem nüngdak peridaksütsü atema lir," ta pai ashi.

Sorkari states dang PM schemes nungja memelenshitsü tuyu

New Delhi, Luchii/ December 15 (Agencies): Union sorkari state tem dang "Pradhan Mantri" mesüra "Prime Minister" agi tenzüka aliba Central schemes nungja memelenshitsü tuyuogo. West Bengal aser Tamil Nadu na densema state kari central-sponsored schemes nungja agi melung masür. West Bengal sorkaribo item nungja melenshitsü merangogo. Tawa Rajya Sabha senden nung Minister of State (independent charge) for statistics & programme implementation, Rao Inderjit Singh-i "Pradhan Mantri" mesüra "Prime Minister" agi tenzükba schemes nungja kar metetdakja liasü.

Mantri Krishi Sinchai Yojana, Pradhan Mantri Anusuchit Jaati Abhyuday Yojana, PM Young Achievers Scholarship Award Scheme for Vibrant India aser PM Vanbandhu Kalyan Yojana lir. Item schemes ya Union Ministries mesüra departments mesüra state tem den senteper benoka inyaker. Item schemes atema state aika nung Centre-i senotsü shilem 60 agütsür aser tanüngba shilem 40 ji state temi inoktsür. Ano Northeast nung aliba state tem aser Himalayan state tem nungbo item schemes atema Centre-i senotsü shilem 90 agütsür aser tanüngba shilem 10 ji state temi inoktsür.

Sorkari state tem dang nungja memelenshitsü atema metetdaksüba Central schemes ji- Pradhan Mantri Poshan Shakti Nirman, PM Schools for Rising India (PM-SHRI), Pradhan Mantri Uchchar Shiksha Abhiyan, Pradhan Mantri Matsya Sampada Yojana, Prime Minister Formalisation of Micro Food Processing Enterprises Scheme, Ayushman Bharat-Pradhan Mantri Jan Arogya Yojana, Pradhan Mantri Ayushman Bharat Health Infrastructure Mission, Pradhan Mantri Awas Yojana (Rural and Urban), PM-eBus Sewa Scheme, Pradhan Mantri Jan Vikas Karyakaram, Pradhan Mantri Gram Sadak Yojana, Pradhan

Union Minister-isa, "Item ama centre-i sponsor asüba schemes nungja, senotsü agütsüba inyakyim, amshibaren ajungaji ministries/ departments-i latetba dak keta lir," ta metetdaksü. "States/Union Territories densema stakeholders ajaki mapang shia ministries/ departments-i latetba sülen anidaksüla," ta paisa shisem. Rural development ministry-ibo Pradhan Mantri Gram Sadak Yojana (PMGSY) aser PM Awaas Yojana-Grameen atema küm ana asoshi Bengal nem senotsü magütsütsü sangdongogo, kechiyong Bengal-i item schemes nungja melenshiba nung ajemdaker tajangzük angutsüpur shimba maparen nung ochimashi inyaker, ta tai tonglokja lir.



December 15, 2024 nü Nagpur nung Maharashtra Chief Minister, Devendra Fadnavis den pa kinüngtsü, Amruta Fadnavis nati roadshow ka nung shialem agidang tangokba noksa nung angur.

FORM NO. 14
[See Regulation 33(2)]

**OFFICE OF THE RECOVERY OFFICER- I/II
DEBTS RECOVERY TRIBUNAL, GUWAHATI**
Suwarna Bhawan, House No. 12, New Town Path,
Near Hanuman Mandir, G.S. Road, Ulubari, Guwahati- 781007 (Assam)

DEMAND NOTICE

Recovery of Debts & Bankruptcy Act, 1993 nung Sections 25 nungi 28 tashi aser Income Tax Act, 1961 Second Schedule nung Rule 2 kübok notice agütsür
RC / 210 / 2024
CANARA BANK
-Versus-
ER N NYIMTHUNGO LOTH A

To,
(CD 1) ER N NYIMTHUNGO LOTH A
Son of Mr. S. Nkhyingo Lotha, Resident of 7th Miles, Block 4 236, Chumukedima, Dimapur- 797112.
(CD 2) SRI BILSON KIKON
Resident of Nagarjan, Dimapur- 797112.

OA/450/2022 nung DEBTS RECOVERY TRIBUNAL, GUWAHATI nung Presiding Officer-i tetuyuba agütsüba Recovery Certificate nung ajemdaker ya metetdaksür, **Rs. 35,45,806.92 (Rupees Thirty Five Lakhs Forty Five Thousands Eight Hundred Six and Paise Ninety Two Only)** den pendentelette aser sentsüh mouma tashi **01-09-2022** anogo nungi tenzüka ita shia future interest @ 15% Compound Interest aser costs **Rs. 1,01,255 (Rupees One Lakh One Thousand Two Hundred Fifty Five Only)** na (Jointly and Severally/ Fully/ Limited) anema sentsüh lir.

(1) Recovery Certificate nung aliba sentsüh:	Rs. 35,45,806.92
(2) 01.09.2022nung 18.09.2024 tashi nung interests @15%	Rs. 10,89,971.05
(3) Costs	Rs. 1,01,255.00
TOTAL	Rs. 47,37,032.97

2. Iba notice agütsüba anogo nungi tenzüka anogo 15 tsüngda tekalen shia aliba sentsüh agüjang ta nü dang tuyu, mesüra Recovery of Debts Due to Banks and Financial Institutions Act, 1993 aser Rules nung ajemdaker sentsüh alanzüksü.

3. Nü dang taruba ken o mangadang tashi nung affidavit ka nung nü kiojen ajak sangdongang ta tuyu.

4. Maneni ken o angadangtsü atema nü dang tsünglanglen sign süa alir matsüngdangi 13-02-2025 anogo nung anepdang 10:30 ako tashi nung arung ta tuyu.

5. Temalen shia aliba sen dak alia nai item ya-a agütsütsüsa akümtsü:
(a) Iba certificate/execution proceedings notice agütsüba mapang nungi tenzüka item ama interests.
(b) Iba notice, warrants agütsüba aser sentsüh alanzüksü atema inyangshidang indokba costs, charges aser teindokba ajak.

Tsünglanglen kü meyonngem den Tribunal indang seal iba anogo nung agütsür:
29-11-2024

**RECOVERY OFFICER
DEBTS RECOVERY TRIBUNAL GUWAHATI**



TIR YIMYIM YIMOBILEM (EDITORIAL)

DIMAPUR TENTONÜ, DECEMBER (LUCHII) 16, 2024

Tangari asen indang jembitsür !

Tang temendak Lok Sabha tatar senden nung yakanü Outer Manipur nungi adokba tatar (MP) Wb. Alfred Arthuri par state Manipur nung May 03, 2023 anogo nung kin o kin na tsünga azü tokshi lendong tulu adokba, aser tang tashi mesüngjemteti kiojen raksaba dang masü saka nisung taküm aika samaogo aser kibong aika pei ki toktsür talidak maka tesem balala nung jenoka liaka, tang tashi ato kilonseri Manipur tesemdanga mesemdang aser khuretsa bilema olaa madokba ya kechi tetezü, kechiba nisungtem timtem merepranger ta kanga mepelaba o ka metetdaksü dang, ano paisa Nagaland nung Mon district nung 2022 küm December 04 nü Indian sepaitemi tai maketba nisungtem khasetba anema kechiba tatartemia aija ola madoker ta metetdaksübaji tanga state nungi adoker Naga nung tatar kati Nagaland nung alir Naga nungertem asoshi jembitsüba o ka asütsü. Atangji, Manipur nung Meitei aser Kuki nung na tsünga lendong ataloker küm ka ser tesadang ka tashi nunga ato kilonseri kena mesemdangbaji pei nübortem timtem lendong nung timtemba mereprangnüba aser hau ta aria bilema maliba shisatsü tamajung ka sayuogo. Kasaji, Oting nung sepaitemi yimtaklitem ayang nungi pei yimtak amongnü amongtsü atema gari nung oa alidang ajungbena ka dang India sepaitemi injang yoka parnok khasetba anema tatar senden nung ola adoka aitsütsü melen, nisung khaseter sepaitemjiang metentsüba mapaji temulung ashitsüka lir saka asen nübortemi iba ama pei nisung taküm hau ta bilema apayua mali tepsetba anemaji, ochi obendang mangu tashi külemi longjemer ola adoktsü melen, mapa aser ken o tatsük talem nung khen jashitepa jembiba sülenbo amadoker India sepitem teyari agia asen nungdak inyadaksür. Aji oda, asenok Nagaland nung alir Naga nungertem mulungzüng nung tatalokba otsütem ya talangkabo rezünga meyteter, iba jagi tangari asenok mezüngmeshia taküm samatsüba aser reshikangshiba aser maksü mapatem asenoki melamelaa amadoker. Ashiko, iba jagi balaka tangari asenok nüken metsübur asütsüa akok. Aji oda, Arthur-isa Oting nung nisung 14 tashi India sepaitemi 2022 küm khasetba melen Rajya sabha nung MP Oting nung ka shimba jagi tesama aser takoksa tia ajurur Oting nung kibongtem asoshia peritsür asü (?) ta asüngdangbajibo asenok Nagaland nung alir Naga nungertemi asenoksasa telangzüba bushitsüla tasüngdangba ka asüngdangogo. Atangji, Northeast ajung ya, tangbo, BJP teloki yimsüsüba state-tem amai dang kumadokogo aser item rongnungji Nagaland-a adener, kechiyong Nagaland nung NDPP aser BJP na den tangar teloktem lokteper yimsü asür. Ajisüaka, yimsüsütsü tashi bushir dang ashi, pei teloki yimsüsüba state nung alir nübortem timtem lendong ajuruba mapangbo mangu aser mangashi ama toktsüba tia nung tang Manipur aser Nagaland lir. Aji oda, 1950s mapang nungi tenzüka tang tashi Nagaland nung alir Naga nungertembo India nung sensoa masü ama, tsükchir dang nungia teküpbokba jenjang nung shiruru ama tapayu aser temeima mali khasetba mapatem ya Naga nung lanurtem asoshi tamamatsü aser temulung shirangtsü otsü asütsü aser item mimchir dang mimchir maja mezüngmeshia inyakba mapatem yabo aibelenertem dang tapet temerenshi agütsüba mangu tashi sen dena aser kecha mapa dena melenteptsü makoktsü. Iba ama asen nisung aser asen lokti nung senso ka taküm aser temeten mezüngmeshiba mapatem yabo, tangar dang tama asenoki jembitsüla aser asen pi ta mali ochi obendang mangu tashi tatar senden nunga aser nübortem ajurudanga jembipet jembitsüla.

OLEMSABANG

ASENOK DAK TANGAR MEZÜNGOKBA JAKLA YIMYA MALITSÜLA

~ L. Kika Pongener.

Asen mimchir dak aketba tashimait kaji, aiben asenoki ni ser shiba...???...ta ngasangadema, mezümeküma, asüküma bilemer. Asen dak alaka tangarbo shinga temeteter aser tangateter mali ama asen sasa kangasa ulua bilemer. Yimsusur, tular, takar, tashitemeteter aser lennir aikati pa/la temaba jenjang nung mena alinungji, pa/la-ji ajaki aputaka külemtsüla, mesura pa/la-ji ajaki tenzüksüla...ta kanga ulua bilemba nisung karbo lir. Nisung aikati kanga asüküma ulua bilema nisung karbo kangasa ila-a nema bilema lokti indang teinyaktsü tim mapa-a meinyaki zütoker. Hau-niii...alima asünungji tilartemi tularitem dang akümütsübuttsüla aser sensakertemi taka-taitertem dang tenzüksüla. Aji oda, tular-takartem-ia tilar-sensakertem dang asü-anguma meima benshitsüla. Atangji, alima nung alidang, kati ka meteta, kati ka angateta, aser kati ka den yaritepa, jungtepa, amalitepa alitsübaji, aji tim mapa aser sobaliba tajung rongnung ka asütsü.


Ajisüaka, takar-a suang, tular-a suang, tashitemeteter-a suang...Pa/la takar, tular, tashir-a...ta ser külem lisemer, kiyong-kidanger, yimer-yimsanger, pur-medemer, züngapur, temba-tinur shinga balaka nemja-luja, ila-a, mezüngmeshia (Under-estimate) sua mebilemstüla. Kechiyong nisung shia pei pei yari Tsüngremi sempet agüja lir. Ashiko, kar takar, tular, tashitemeteter asüyongjia....pa/la-jia langka ka agibosa madoksa aser meperi alitsü akok. Ano ner temba-tinur, pur-medemer-sang shiba nai kanga nema ila-a bilemer, mesura sensaker/tilar asüyongjia ashiko, ne dak maketba, ne nem melemzüktsüba sempet kar, pa/la nem lemzükja alitsü akok. Atangji Tsüngremi nisung shia nem sempet balala lemsaa agüja lir, aser yamaji nisung rongnu ng kati ka den yaritepa alir. Kechiyong alima nung ya nisung o nisung na tsünga nung kati ka den sentaktepa/yaritepa alitsü aji Tsüngremi mulongba lir. Loktiliba nunga kari tekolak khu abentsü, kari teka mapa inyaktsü, kari shisatsü agi nungittsü aser kari rongsen agi nungittsü...ta loktiji külemi anir/bener aor. Anungji ni takar, tular, tashitemeteter-ji, kechi sudir suaka pai/lai kü dang aputaka külemtsüla, mesura kü dang tenzüksüla, mesura kü küpok alitsüla...ta shinga-ia pei sasa mezümeküma aser kanga ulua mebilemstüla.

Lanuwa asüadang otsü kakat ka nung züngshiba...Kenu anogo Molosongzü kati Koya ka kanga sensa-masa-a, nemja-luja, menuja, mezüngmeshi. Idangji Koya-la jagi Molosongzü dangji kenubo nai kü teyari nungdaksü ta ashi. Ajisüaka, iba o-ji angashir ano Molosongzü-ji tali-ang ain adok....Kechi kodaser ni amala kati ne teyari nungdaksü...!!!??? Ni ya ajungyonga-majungyonga arem min nung aliba shiruru rongnung tesashitiba ka lir, aser arem min nung aliba shiruru ajungai, oda Shidi tuluba-ia dena ni tsübur nung...Na amala shiruru tilatiba ka teyari ni kong/kechi nung nungdaksüba !!!???...ta kanga menua (Laughing) langzü.

(Maneni asüng adok nung...)

Iba Olemsabang nung lemsaba ken-o aser shisatsü ya iba ocet züluri bilemba ken-o ama tazünger angateta agitsü mepishir

Khristan temeshi aini aoer, Travis Timmerman Syria nung angu



America nunger temeshi aini aoer, Travis Timmerman samaba sülen Damascus yimti nung nguogo. December 12 nü Damascus yimti nung pai osangbenertem den jembioغو.

December 15, 2024: America nunger Khristan, Travis Timmerman temeshi aini oa Lebanon nungi Syria telungi aiba sülen pa ita aika pua ayu.

Tesüsa pa Thihabiyeh yimdak ki ka nung lia anguba sülen December 12 nü Damascus yimti nung pai osangbenertem den jembioغو.

Syria nung Islamic telungpurtemi Tir, Bashar al-Assad-i aniba sorkar atsüngdokba sülen pa Thihabiyeh yimdak angu.

Travis Timmerman-i Khristan tamang jenjang akangshitsü atema temeshi aini apusoa liasü saka taküm June ita nung pa samaba sülen anogo ishika jakdang Damascus yimti tezülen aliba yimtsüng ka nung angu.

Timmerman apuba sülen pa Sednaya Jail nung puoka liasü

saka tan ita telungpurtemi sorkar atsüngdokba sülen pa jail nungi chiok.

Osangbenertem den jembidang pai, “Ni Laishiba kanga nendaka azüngba sülen Khristan yimsü taliba angatetsü aser tamang jenjang aintsü asoshi Lebanon nungi tenemtem ajanga Syria linük telungi ai saka ni apuba sülen ita aika tepuokdak ayu,” ta metetdaksü.

Damascus yimti nungi nisung kati, “Ni Timmerman lenman nung tetsüng tesa jaja aliba mapang nung angu,” ta ashi.

Timmerman’er kibong züngsemtemi, pa chiokba aser anguba ya sayatenya lir, ta ashi.

Timmerman’er aianu Pixie Rogers-i, “Onok kanga pelar aser Kibuba nem tenüngsang agütsür. Ni aser ozü kibong

züngsemtemi pa kanga meimer ta pa nem metetdaksüner. Kobi melii onoki pa ajurutsü ta meteta onok kanga pelar,” ta metetdaksü.

Timmerman adenba Arogo Preston Bible Baptist Church nung pastor, Don Kelderhouse-i, küm ka tejaklen Timmerman baptia liasü aser pai Khrista dak amangbaji ajak den lemsateptsü tejangraba tulu liasü, ta ashi.

Timmerman tetsü, Stacey Collins Gardiner-i, “Iba ya Khristmas sayatenya ka lir,” ta ashi. US ketdangsertemi ashiba agi, Timmerman Jordan linüki anir ogo aser tang State Department nung ketdangsertemi pa anepaludar.

Timmerman-i temeshi aini aoba tenzüka tamasa Czech Republic aser Hungary na semdanga liasü.

FoRB ketdangser shimba Khristan NGOs-i pelaa agizüker


December 15, 2024: North Northumberland nungi Labour MP, David Smith UK freedom of religion or belief (FoRB) ketdangser shimba atema Khristan melungtet teloktemi pelaba lemsatepogo.

Foreign, Commonwealth & Development Office-i sangdong ka ajanga, “Bendanglen yimsü dak sendakba tsütsü taremsüktep aser akhümtsübutep ajungkettsütsü atema Smith-i inyaksü,” ta metetdaksü.

Minister for Human Rights, Lord Collins-i, “David shimba ya ajanga UK-i alima tesem balala nung tamangba yimsü temeden ajungkettsütsü atema inyakba kuli sayur. Pei mapa mesüra peii amangba yimsü ka atema shinga tetsübu nung malitsüla,” ta ashi.

Smith jakdang Congleton nungi MP, Fiona Bruce-i alima tesem ajaklen FoRB ajungkettsütsü atema mapa tajung aika inyakogo.

FoRB ketdangser shimba sülen Smith-i, “Sub-Saharan Africa nungi Middle East aser Asia tashi nung yimsü balala amangertem aser reshikangshi ajangshirtem ni ajuruogo. Item



David Smith

temeden atema tebilemstü akar ajak asoshi osang tajung,” ta ashi.

Blyth-isa, “Atangji David Smith-i Parliament nung Freedom of Religion or Belief atema jembitsü ta ni amanger,” ta ashi.

“Pai melungtet telok aser Khristan organisations aika nung inyaka aruogo. Pa den külemi inyaksemtsü onoki yongyar,” ta Blyth-isa metetdaksü.

“FORB ketdangser inyaksüji kanga tongtibang shilem ka lir. 2018 küm mezüng Envoy shimba sülen Khristantem densema yimsü dak sendakba nung reshikangshi ajangshirtem atema mapa tajung aika inyakogo,” ta Blyth-i ashi.

Khristan melungtet telok Aid to the Church in Need (ACN) national director, Dr. Caroline Hull-i, “Sorkari FoRB atema Special Envoy shimba atema onok pelar. Alima nung reshikangshi tebilemstü koktettsü aser teremzüktep alitsü atema UK-i rongsen jenti amshitetsü atema iba menden ya kanga tongtibang,” ta metetdaksü.

ANOGO ABEN TSÜNGREM DEN

O nung masü Ain nung

Kechiyong Tsüngrem yimli O nung masü ain nung lir. 1 Korint 4:20.

Mezüng arogotem nung Pauli pa mapa nung tashishitepba aika ajurua liasü. Pa anemer kar Korint yimli ama sema ao aser Pauli shidak meinyaker ta jembi. Mapang ajak nung Paul anema jembiba nung amangtsü tamangertem mesüzük.

Tsüngrem senso chichiba tetendangbaji temesüzükba O masü saka pa taküm nung tanelaren ainji lir ta Pauli bilemetdaksü. Pauli tsüngrosonga mejembir ta kari jembiba Pauli meteta liasü (2 Korint 10:10). Aji saka parnoki pa taküm nung Tsüngremer ain indang parnoki masüngdang. Nisung aika temulung meyipba aser pa mapa nung arogo aika tenteta aoba pai ngua liasü. Tsüngremi pa amshia aika aneptsü aser tasü nungia shia arudaksü. Tsüngrosong O mesükshii Tsüngrem aruba Pa O tem nung tanela ain aser tashi küta liasü.

Tsüngrem indang parnok tebilemba agi na mesüzüktsü nai aika ajurutsü. Parnoki jangratementsüka jembitsü. Parnoki noksa yanglua parnok onüktem agütsütsü saka parnok O tagitsü asü masü tetendangbaji parnok taküm nung tanelaren ainji lir. Nisung kati Khristan tesayuba raa jembir saka pa dak temenen inyakba yimya pa O tem pai mezüngmeshir. Nisung kati Tsüngrem ain indang jembir, saka pa taküm nung takok anguba indang kuli mekara pa/la O tem tazüngla lir. Khristan taküm ka indang jembitsü temelaba saka alitsü tasakba lir.

Nai temeshiba mesüka sayur saka iba tashiji magizüki lir (2 Timoti 3:5). Tsüngrem dang ne temenen nungi merüktettsütsü aser ain sayutettsüsa pa tanela tashi indang asüngdangang.

Vietnam nung pastor ka dak injang khaloktsü

December 15, 2024: Vietnam Vietnam kübok central nung nisung kari Protestant highlands nung alir.

pastor ka dak injang anaben Yaküm June ita nung longkak khaloktsü; nisung ana motorbike aitba mapang nungi tenzüka nung aruba sülen arrshi küm 62 Vietnam nung Montagnards Pastor, Y Hung Ayun dak nisungtem linük nung dang masü temekok nung injang anaben saka bendanglen-a khaloktsü. reshikangshir. Yaküm provincial

Motorbike nung nisung Communist party office aika anapronglaji sü agi tejak amakba mapang nung nisung 9 meyibanger liasü; pastor dak tepseta liasü.

Christian Solidarity Worldwide (CSW) tentetsang aser Tir, Mervyn Thomas-i, “Pastor Y Hung Ayun amakba tatalokba osang angashia CSW-i tebilemstü akar. Pa indang house church toktsür sorkari

injang khaloktsüba sülen tena jena oadok. Motorbike nung nisung anapronglaji sü agi tejak meyibanger liasü; pastor dak injang khaloktsüba sülen tena jena oadok. Pastor Ayun ya Ede kin nungi lir aser pa ya Dak Lak province nung independent Protestant house church ka nung pastor inyaker.

Osangbener den jembidang pastor-i, “Independent house church toktsür sorkari melaba Evangelical Church of Vietnam nung adentsüla, ta amokmerena parnoki kü dak injang khaloktsü,” ta metetdaksü.

Vietnam sorkari Arogo ajak dang sorkari melaba Mervyn Thomas-isa, “Onoki Evangelical Church of Vietnam Vietnam sorkar dang nung adentsü tuyur. Parnoki item Arogo nung register mesüra Arogo li aser kiojen rakzüker aser pastor tem apur. Ede kin ya Montagnard minority lisopur telok nung densema lir. Vietnam nung agütsütsü mepishir,” ta lisopur kintem shilem 30 bo metetdaksü.

AO OSHI ANGAZÜKDAK:

TANÜ ANGAZÜKTSÜBA OJANG



Tatet

(v) tzü agitetba (draw out water)

* Tzübu nungi tzü tateta sü shitok.

Tatidang

(adj) tendangba (test, examination)

*Kaketreju nung tatidang küm shia anaben agir.

OLONG PAITEP # 7012

Grid for OLONG PAITEP # 7012 with numbered cells 1-17.

TIPLIN

- 1. Nisung jenti - (5)
4. Tsük rudenba - (5)
6. Temzüng tesashi - (5)
8. S _ _ _ i - (3)
9. Nisung telemsa - (3)
10. Anogoshi - (4)
12. Ajanga aor - (4)
13. Tsük rizüngdak - (3)
14. Tebang nungi adokba - (3)
16. Süngdong tatemangtiba - (5)
17. Meputep - (5)

LANGTSÜNGLEN

- 1. Tenük telong - (9)
2. Committee dang ajar - (5)
3. Yagi ki okdoker - (7)
5. Yim lenmang - (5)
7. Temoatsü keter meyipa aruba - (9)
11. Kanga junga menemba - (7)
12. Majinü - (5)
13. Tzüma nung senzüba - (5)

OLONG PAITEP # 7011 TELANGZÜBA

TIPLIN :

- 2. Bangsemo, 6. Tiptem, 8. Jen,
9. Talila, 11. Aren, 12. Tzübo, 14. Alia, 16. Angati, 17. Odi, 18. Azü, 19. Sünglang.

LANGTSÜNGLEN :

- 1. Yipten, 3. Nüja, 4. Sangro,
5. Milen, 7. Tulu, 10. Laza,
11. Aben, 12. Tiyong, 13. Ajizük,
14. Aitsü, 15. Tasa, 16. Aina.

NAI-A YA METETTER MA



Karnataka kübok Avadhoota Datta Peetham nung Sri Ganapathy Sachchidananda Swamiji lenisüba kübok marathon Hanuman Chalisa chanting session nung nisung 650-i shilem agiba ajanga otsü tasen ka yangluogo.

Hanuman Jayanti benjungmung nung shilem ka ama Nada Mantapa nung parnoki ghonda 33, minute 33 aser second 33 chanting asü aser ibaji December 13, 2024 nikongdang tembang. Iba atema Guinness World Records-i "Longest Continuous Chanting of Hanuman Chalisa" telemsa kübok kulikaket agütsüogo.

Assam nungeri Arunachal nung tzünoktang anema lungkak aitba pusemer



Guwahati, December 15, 2024

(Agencies): Assam nung alirtemi Arunachal Pradesh nung tzünoktang anema noktakba pusema nungitba sayua lungkak aitogo.

Arunachal Pradesh nung Siang River nung tzünoktang ka yanglutsüba anema nübertemi lungkak aiter aser ibaji pusema Assam nunga nübertemi "No survey, No Dam" yimyim ayima lungkak ait.

Iba tzünoktang mapatong atema primary school ka nung CRPF personnel mapa lemzüksüba atema ashishiteper aser iba ajanga nübertem jashir. Iba ya ozüng alema inyakba mapa ka aser sepaitem agientsüla ta parnoki akhanger.

August 19, 2024 nü Arunachal Pradesh police headquarters nung special branch-i Pasighat branch dang iba mapatong asoshi survey aser core drilling nung

security tetsükdaktsütem asadangsü tetuyuba agüja liasü. Ketdangsürtemi Parong, Dite Dime, aser Uggeng nung drilling locations shimtet saka yimdaklirtemi iba mapang kanga sashia lungkak aita liasü.

Assamese nungeri Arunachal Pradesh nunger pusemba metetdaksüogo aser Siang River o nübertem temetentem kümzüka ayutsü atema longjemba shiogo.

BTC sorkar küm 4 ajungba atema Bhergaon nung benjungtep

Guwahati, December 15, 2024

(Agencies): Bodoland Territorial Council (BTC) sorkari Udalguri district nung Bhergaon Stadium nung küm 4 ajungba sentong ka agiogo.

Iba sentong nung BJP-UPPL teloktep kübok mapa balala inyaktetbatem sayua liasü.

Bodoland Territorial Region (BTR) nung terenlok mapa aika inyakba bilemteta tanü nisung meyrjang aika iba sentong nung denogo.

Iba sentong nung BTC Chief

Executive Member Pramod Boro aser Assam Legislative Assembly Speaker Biswajit Daimary na aden.

"Executive Members Daobaisa Boro, Sanjit Tanti, aser Diganta Boruah nunger dena Team BTR-i amalitepa inyakba ajanga terenlok bener aruogo" ta Pramod Boro-i ashi.

Assam Chief Minister Dr. Himanta Biswa Sarma, Prime Minister Narendra Modi, aser Home Minister Amit Shah nungeri BTR renlokba nung yaritepba

atema kanga pelar, ta pai ashi. Sorkari kin ajak ajungtsü atema inyaker aser nisung ajaki kasa jenjang aser maongka angutsü meranger, ta Boro-isa ashi.

"Kaketshirtemi bendang linüktem nung research agitsü atema Bachiram Boro Fellowship tenzüksü" ta Pramod Boro-isa ashi.

Paisa BTR kübok constituency 40 nung modern sports stadiums 40 yanglutsü sentong lir ta metetdaksü.

CM Sarma-i Bhutan National Day benjung nung adentsü

Guwahati, December 15, 2024

(Agencies): Assam Chief Minister Himanta Biswa Sarma-i December 17 nü Bhutan National Day nung adentsü.

CM Sarma-i Thimphu nung Changlimithang National Stadium

nung iba anogomung nung shilem agitsü.

Bhutan Chuba Jigme Khesar Namgyel Wangchuck-i jaokba ama CM Sarma-i iba sentong nung adentsü.

Sarma-i December 16 nü

Bhutan-i apusoa aotsü aser December 18 tashi amongtsü.

Pai Bhutan semdangba ajanga Assam aser Bhutan tsüngda cultural exchange aser regional cooperation ajanga tesentaktep akangshitsü ta pai ashi.

Manipur nung Mayai Lambi state highway tusatsüa lungkak ait



Guwahati, December 15, 2024

(Agencies): Manipur kübok Mayai Lambi State Highway timi anepalu masüba agi nübertemi tejashi nung lenmang tusatsüogo.

Parnoki aiben ketdangsürtem dang lenmang anepalu shia aru saka mapa meinyakba atema

tejashi nung iba mapa inyak.

Mayai Lambi ya state highway tongti ka lir aser jila o district aika sendaktepba den Trans-Asian Highway den sendakteper.

Iba lenmang ya kanga majung aser tang tashi two-lane road dang lir. Iba lenmang nung traffic

masemer aser aiben lendong balala ataloker.

Tanü lungkak aiter tetsür activist pezü tashi apu kechiyong parnoki lenmang tusatsü. Par pezü apuba sülen tetsür telok kati Wangoi police station nung adenshi aser parnok chiektsü takhangba agütsü.

Bangladesh nung Hindu Temple ka raksatsüba atema nisung 4 apu

Dhaka, Luchii/December 15 (Agencies): North Bangladesh kübok Sunamganj district nung Hindu nunger indang temple ka aser ki aser dokantem raksatsüba atema law enforcement agency temi Honibarnü nisung pezü puogo.

Police-isa, nisung 12 tenüing teta ken o benok aser mejangjaba nisung 150-170 anema ken o benokogo.

Alim Hossain, 19, Sultan Ahmed Raju, 20, Imran Hossain, 31, aser Shajahan Hossain, 20 nunger iba ita tetenzüklen Sunamganj district kübok Doarabazar area nung ki balala raksatsüba atema puogo, ta Chief Adviser indang press wing sangdong ka ajanga metetdaksü.

“December 3 nü Sunamganj district nung alir Akash Das-i Facebook nung post ka lemsatepba sülen district nung tensa mejungi aküm. Pai iba post ya delete asü saka screenshot tem prokshia aoba sülen iba tesem nung lendong ataloka liasü,” ta state meyong news agency Bangladesh Sangbad Sangstha (BSS)-i ashi.

Dhaka Tribune newspaper

sangdong ka ajanga ashiba agi, police-i kasa anogo Das apu, saka nisung telok kati pa police ket nungi rakzüka bener aotsü meranga liasü.

“Das kümzüka toktsütsü atema pa Doarabazar nung meyui Sadar Police Station-i anir ao,” ta kasa sangdong ajanga metetdaksü.

Osang kaket ajangasa, kasa anogo local temi Loknath Temple maka raksatsü aser iba den iba tesem nung aliba Hindu nunger indang ki aser dokantem raksaja liasü, ta metetdaksü.

Superintendent of Police (SP), District Commissioner (DC) aser army aser police personnel temi jenjang tapet agiba sülen tensa azüoka liasü, ta kasa sangdong ajanga metetdaksü.

Police-i ashiba agi, iba tatalokba nung densema alirtem jangjatsü atema ken o kanga junga bushisüngdang südar.

Honibarnü sangdong ajanga ashiba agi, police-i iba tatalokba nung densema alir tejangja parnok 12 anema aser mejangjaba nisung 150-170 anema ken o benokogo, ta BSS-i shisem.

Islamabad-i nisung shibelenba anema jenjang agitsü tuyu



Mohsin Naqvi

Islamabad, Luchii/December 15 (Agencies): Pakistan nungertem Europe-i rong ajanga ozüing alema aitsü merangba mapang taküm samaba sülen Pakistan interior minister Mohsin Naqvi-i Deobarnü Investigation Agency (FIA) dang nisung shibelenba nokdangtsü atema linük ajunga nung jenjang tapet agitsü tetuyuba agütsüogo, ta News International sangdong ka ajanga Deobarnü metetdaksü.

Naqvi-isa, item ozüing alema inyaksangshirtem inyakyim tangsa tang bushiteta raksatsütsü nüngdakba lemsatepogo, koba ajanga kibongtem raksaja arudar.

Ato Kilonser Shehbaz Sharif tetuyuba dak ajemdaker, iba tatalokba bushisüngdangtsü atema interior ministry additional

secretary lenisüba nung committee kati amenokogo. Iba committee yagi ken o tembanga bushisüngdangba sülen anogo pongu tsüingda osang agütsütsü nongloksüogo.

Temetetsü kaji Greece south len Gavdos anasa sung agi yangluba rong ka meküpokba sülen migrants pongu arakseta asü, ta coastguard-i Honibarnü metetdaksüogo. Tenük kuli agütsürtemi ashiba agi ano nisung aika samara bushidar.

Tang tashi nung tebur 39 iba tesem nung senzua aliba khu abenba rongtemi kümzüko. Item nisungtem ya timba Pakistan nungi liasü. Parnok ya Crete asetkongi anirogo, ta coastguard-i ashiba den rong meküpokba lendong nung nisung kwi sama iba indang

osang tejangja memeteti lir ta ashiba News International sangdong ka ajanga metetdaksü.

Iba lendong atalokba sülen lir Asif Ali Zardari-i, nisung shibelenba aitsüogo aser ashiba agi iba ya inyakyim kanga tamajung ka, koba ajanga timtem tekangshi aika bener arutsür ta ashi. Paisa asür kinungertem den asükhü lemsatepa liasü.

PM Sharif-ia, iba rong meküpokba lendong nung Pakistan nungertem taküm samaba dak sendakba nung asükhü lemsatepogo.

Nisung shibelenba ya ozüing alema aser iba ajanga kümshia nisung taküm aika samara ta shia pai, tarutsü nung iba amala lendong mataloktsü atema jenjang tapet agitsü aser aibelenertem nem temerenshi tesashi agütsütsü nüngdakba lemsatepa liasü. Sharif-isa, item ozüing alema inyaksangshirtem yagi sen aazütsü atema teyazü tenangzükba agüja tangar ashioktsütsü atema tasatem amshir, ta ashi.

2023 küm June 14 nü Pakistan, Syria, aser Egypt nungi nisung 750 mena aliba rong ka Greece anasa tzüyim nung meküpokba liasü. Ajak senteper passenger 104 kümzüük aser tasüming 82 nguteta liasü.

Israel sepaitem Gaza school telungi ai, nisung 15 tepset



Gaza City nung Israel sepaitemi school ka amakdang nisung aika tepseter anogo ka lir aser Nuseirat refugee camp nung nisung aika tepseter anogo ana dang lir ano Deobarnü Israel-i tesem balala meita oa bomb pokloksü.

Gaza City, Luchii/December 15 (Agencies): Israel sepaitem-i Gaza nung tesem balala nungi adenshia aliba school ki ka sapangba sülen Palestine nunger nisung 15 tepset aser ano tesem balala nung osangbener ana densema nisung aika tepset ta ashir.

Deobarnü Gaza north tsütsü Beit Hanoon nung aliba Khalil Oweida School nung Israel-i amakdang ano aika yiru, ta tenük kuli alirtemi osangbener dang ashi.

Asürtem rongnung kibong ka nungi tanur ana densema nisung

pezü liasü aser parnok jenoka aliba classroom nung artillery khaloktsüba agi indang-indanga kongshi.

“Yirur alirtem aika school kima aser classrooms telung nung lir. Beit Hanoon nung mozüki kata lapoka mali, anungji parnok temang anepalu mesüteter. School sapangba ya jelia osang magütsüi inyak,” ta osangbener kati ashi.

Palestinian news agency Wafa-ia nisung 15 asüba ya jangjatsüogo.

Tesem ajaklen nungi lungbanger aliba school nung

alirtem aika tetsür aser tanur lir, aser parnok ya iba tesem nungi tashiyim agi yoka Salah al-Din Street nung amenoka aliba military checkpoint leni ao aser tebur aika apu, ta Wafa osang ajanga ashi.

Iba school ya tang tashi sapanger lir.

Tesüiba ghonda 24 tsüingta Gaza tesem balala nung Palestine nunger 46 tepset aser kasa mapang Israel sepaitemi nisung pongu “massacres” asü, ta tesem ajaklen mitkar temi lungbanger aliba territory indang Ministry of Health ajanga ashi.

Asürtem rongnung nisung 14 southern Gaza City kübok Sheikh Radwan kiyong nung densema liasü, kong Israel-i nisung aliba ki tuluka nung kongshia amak.

Gaza City tiyong nunga al-Nafaq Street nung Israel-i ki ka amakdang nisung pezü asü.

Ano Gaza City south tsütsü Zeitoun kiyong nunga ki ka amakba nung nisung asem asü.

Beit Hanoon nunga rara mechi tesem balala nungi adenshia jenoka aliba süki ka nung Israel-i tayimtsü amshia amakdang civilian aika tepset aser aika yiru, ta Wafa ajanga ashi.

Gaza north tsütsü Kamal Adwan Hospital temeket nunga Israel-i amakdang nisung ana tepset, ta ashi.

Shujayea, Khan Younis nunga Palestine nunger nisung pezü tepset.

Deobarnü Israel-i amakdang nisung 135 yiruba osang lir.

Gaza City nung Israel sepaitemi school ka amakdang nisung aika tepseter anogo ka lir aser Nuseirat refugee camp nung nisung aika tepseter anogo ana dang lir ano Israel-i tesem balala meita oa bomb pokloksüba ya ataloker.

Kasa mapang central Gaza kübok Bureij refugee camp nung Honibar aonung Israel-i tayimtsü amshia amakdang Palestine nunger osangbener Mohammed Jabr al-Qrinawi den

pa kinungtsü aser tanurtem tepset, ta Al Jazeera osangbener kati Deobarnü ashi.

Egypt nung amenoka aliba Al-Ahram ajanga ashiba agi, al-Qrinawi ya Sanad News Agency den sendaktepa liasü, koba Al Jazeera indang Nanad Verification Unit meyong lir. Honibarnü tepsetba osangbener ana rongnung al-Qrinawi ya tanabuba alitsü.

Honibarnep Israel-i Gaza amakdang ozü osangbener Mohammed Balousha tepset, ta Al Mashhad Media ajanga ashi.

Al Mashhad indang director of news George Eid-ia Balousha ya tenük yoker amakdang tepsetba lir ta ashi.

Palestine nunger osangbener Balousha yagi taoba küm al-Nasr Hospital nung Israel sepaitemi sädaktsüba kinü tanurtem ICU nung shisaa aoba otsü temai adokja liasü.

Tesem balala nung Al-Qrinawi aser Balousha na tepsetba ajanga Palestine nunger osangbener tepsetba 196 ajunger. Committee to Protect Journalists-ia record tem bendenba nung Palestine nunger osangbener 137 tepsetba shia lir.

Israel sepaitemi October 7, 2023 nungi tenzüka tang tashinung Gaza Strip nung Palestine nunger nisung 44,976 tepsetogo, ta Health Ministry ajanga ashir.

Nagaland Taekwondo team-i gold medal 9 angu



Kohima, Luchii/December 15 (TYO): 4buba India Open national Taekwondo championship nung Nagaland Taekwondo team-i gold 9, silver 4 aser bronze medal 1 nguogo.

Iba asayamung nung Nagaland team nung asayar 17 aser ketdangsür aseme shilem agiogo, koba Goa nung December 13 nungi 15 tashi asaya liasü.

Gold medal angurtem:

Sub-jr category..

1. David M under-25 kg

2. Shiuthong under - 29 kg
3. Shiusuthong u-32 kg
Cadet category (Gold)
4. Lensehthong under-45 kg
5. Puziechangbe Herie under-52kg

Junior category (Gold)

6. N. Tenloi Phom
7. Wonpanthong A under 48 kg
8. Nnumhei under-63 kg
9. Vilabizo nagi (senior category) under 68kg Gold medal

Silver medal angurtem:

1. Lekehjong Lamliu under

21 kg
2. Sudeh Lamliu under 29 kg
3. P. Athongti under 48 kg
4. Sentimoa Ozukum under 55 kg
Mahei Nren-i under 21 kg category asaya nung bronze medal ngua liasü.

Kasa mapang nung team coach Visabiu Peseyie aser Keneingulie Khezhe na liasü aser team Manager Neitolie Peseyie liasü.

Asayartem ajak ya sports Academy, IG stadium, Kohima nungi liasü.

Steve Smith-i alizüing tasen ka tongtetogo



Luchii/December 15, 2024 (Agencies): India den Gabba, Brisbane nung tasembuba Test asayaba mapang Steve Smith-i alizüing tasen ka tongteta India den asayaba mapang century timtiba yangluba asayar kümogo. Pa aser Root nati India den asayaba mapang century 10 yanglur lir.

Smith ya ano Australia nung rongnungi Test asaya nung run timtiba yanglurtem rongnung trokbuba kümogo. Pai Mark Waugh ajatetogo.

Tasembuba Test asaya nung Smith-i ball 190 nung run 101 yanglua liasü. Pai boundary 10 züka liasü.

Smith-i innings 25buba nung tang mezüingbuba century ka yangluogo, koba pai century ka danga meyanglui talangtiba asayaba liasü. Taoba mapang pai innings 22 tashi nung century ka danga meyanglui asaya liasü.

International asaya 344 nung

Smith-i run 16,561 yangluogo aser pa indang average 47.58 lir. Pai century 54 aser half-century 80 yangluogo aser pai run timtiba yanglubaji 239 lir.

Kasa mapang nung Border-Gavaskar Trophy puti otsü nung century timtiba yangluba asayartem rongnung Smith-a densemogo. Virat Kohli aser Sachin Tendulkar na den pai iba asayamung nung century teku yangluogo.

Ano pa ya Border-Gavaskar Trophy nung run 2000 yangluba asayar tibuba kümogo. Smith-i asaya 21 nung run 2,007 yangluogo, kong century teku aser half-century pongu densema lir. Pai iba asayamung nung run timtibaji run 192 yanglur lir.

Tasembuba Test nung India-i mezüing bowl asütsü shim aser mezüingbuba anogo over 13 shi dang asayaba mapang wicket ka danga magitet.

Tananübuba India-i Usman Khawaja (21), Nathan McSweeney (9), aser Marnus Labuschagne (12) nung out sütsü aser iba mapang Australia-i run 75 dang yanglur liasü.

Ajisüaka Smith aser Travis Head na senteper run 241 yanglua team jenjang kanga junga aküm. Smith-i ball 190 nung run 101 yanglu aser Head-ia ball 160 nung run 152 yanglua liasü.

Asayar ana senteper kanga junga asaya aliba mapang Jasprit Bumrah-i iba partnership ya raksatsü. Pai run 72 agütsür wicket 5 agia liasü.

Anogo tatem len asayar kar out süaka Australia team jenjang kanga junga lir aser parnoki asayar 7 out sür run 405 yanglur lir. Alex Carey (45) aser Mitchell Starc (7) na out mesüi batting amenba mapang anogo tembangogo.

Andres Iniesta football asaya nungi anisüingzüker

Luchii/December 15, 2024 (Agencies): Spain nung nungtugu football asayar Andres Iniesta tatembangsa Deobarnü Tokyo nung Barcelona aser Real Madrid great tem exhibition asaya ka nung asayaogo.

Arishi küm 40 tain midfielder ya küm 20 dak tema temaba jenjang nung asayaba sülen tang asaya nungi anener.

Iniesta lenisüba nung Spain team-i 2010 küm mezüingbuba FIFA World Cup akok. Iba WC final Netherlands den asayaba mapang pai goal ka idaktsüba ajanga parnoki asaya koka liasü. Kasa mapang nung Spain team-i 2008 aser 2012 küm Euro akokba mapanga pai tongtibang shilem agia liasü.

Kasa mapang nung Iniesta-i Barcelona nungi asayaba mapang La Liga teku aser UEFA Champions League pezü kokogo. Pa iba club nungi küm 16 asaya liasü.

Pa career nung tatembangbuba asaya reprangtsü atema Tokyo Stadium nung fan 45,000 dak tema adenshia liasü. Pai October ita pa asaya nungi anisüingzüksü ta sangdonger liasü. Iba asaya ya Barcelona-i goal 2-1 agi kokogo.

Kasa mapang nung Iniesta 2018 küm Barcelona toktsüba sülen Japan club Vissel Kobe



nung season pongu asaya aser United Arab Emirates nung küm ka asaya liasü.

Deobarnü asaya nung Iniesta taoba mapang teammate Xavi, Rivaldo, Rafael Marquez aser Javier Saviola nung den külemi asayaogo. Real Madrid team nung Roberto Carlos, Fabio Cannavaro aser Iker Casillas nung densema liasü.

Iniesta ya Barcelona indang La Masia academy nungi adokba asayar ka lir aser pa arishi küm 18 asüba mapang mezüingbuba first-team nungi asaya liasü.

Pa Barcelona tenüing nungi asaya 674 nung asaya aser iba mapang takok marok 32 benogo.

Iniesta-isa, pa iba asaya den sendaktepa linüba lemsatepogo aser tarutsü nung coach mapa agizüka inyaktsü akok ta shiogo.

“Ni coaching licence agizüktsü tebilemba lir,” ta pai shisem.

WPL Auction: Dottin, Shaikh, Kamalini nung sen aika agi alizükogo

Luchii/December 15, 2024 (Agencies): West Indies tsür all-rounder Deandra Dottin, Mumbai batter Simran Shaikh aser India U19 wicketkeeper-batter G Kamalini nung Deobarnü WPL 2025 player auction nung sen aika agi alizükogo.

Deandra alizüktsü atema Gujarat Giants aser UP Warriorz na toktepa sülen Adani Sportline-owned franchise yagi la crore 1.7 agi alizüka liasü. Ajisüaka Auction nung otsü tulutibaji uncapped asayar Simran, Gujarat Giants puri Delhi Capitals ajateta sen crore 1.9 agi alizükba ya asütsü.

Simran shiba WPL 2023 nung UP Warriorz nungi asaya liasü, la ya Senior Women's T20 Trophy akokba Mumbai team aser Challenger Trophy akokba India E team nung densema liasü.

Kasa mapang nung Kamalini, shiba U19 Asia Cup nung Pakistan team wicket teku agi akokba asaya nung out mesüi run 44 yanglua liasü, la Mumbai Indians-i DC den toktepa sülen sen crore 1.6 agi alizükogo.

Madurai nungi arishi küm 16 tain Kamalini ya Super Kings Academy, Chennai nung training agir, la ya Tamil Nadu-i U19 Women's T20 Trophy akokba mapang asaya ti nung run 311 yangluba sülen jangja aküm.

India nung uncapped asayartem rongnung Uttarakhand nungi all-rounder Prema Rawat-a Royal Challengers Bengaluru-i sen crore 1.2 agi alizükogo.

Prema, shiba leg-spinner ka lir, lai taküm Mussoorie Thunders-i Uttarakhand Premier League (UPL) akokba mapang tongtibang shilem agia liasü.

DC puri Kamalini malizükttetaka parnoki Uttarakhand wicketkeeper Nandini Kashyap alizükogo, shiba West Indies den T20 asayatsü atema India team nung mezüingbuba züngoksema liasü. La ya base price lakh 10 agi alizükogo.

DC aser MI na India tsür all-rounder N Charani atema-a toktepa aser la DC-i lakh 55 agi alizüka liasü. MI-isa South Africa tsür Nadine de Klerk lakh 30 agi alizükogo.

BILEMDANGANG

“Yimjung melira terenlok malitsü.”